

65/12



REPUBLIKA E SHQIPËRISË
MINISTRIA E MJEDISIT, PYJEVE DHE ADMINISTRIMIT TË UJËRAVE
DREJTORIA E MBROJTJES SË MJEDISIT
SEKTORI I MBETJEVE DHE AKSIDENTEVE INDUSTRIALE

Adresa: "Rruga e Durrësit", Nr. 27, Tiranë, Tel: 2 270 630, Fax: 2 270 627 - www.moe.gov.al

Nr. 210/ Prot.

Tiranë më, 01 .01. 2013

LËNDA: Kthim përgjigje

DREJTUAR: Z. Andi KANANAJ
Qendra "ResPublica"
Shoqates per Zhvillim te Politikave Mjedisore-G&G GROUP

I nderuar z. Kananaj,

Referuar shkresës tuaj me nr. Prot 065/12, "Ankim ndaj refuzimit per dhenie te infomacionit dhe kopjeve te dokumentave zyrtare" ju bejme me dije se:

Ministria e Mjedisit, Pyjeve dhe Administrimit te Ujerave gjate periudhes Janar - Dhjetor te vitit 2012 kane hartuar, miratur dhe jane ne proces nje sere aktesh ligjore bazuar ne ligjin me Nr. 10463, date 22.09.2011 "Per menaxhimin e integruar te mbetjeve". Ne pergjigje te kerkeses tuaj dhenie informacioni dhe venien ne dispozicion ju sqarojmë si më poshtë vijon:

1. LEGJISLACIONI.

GJATE PERIUDHES JANAR – DHJETOR 2012 JANE MIRATUAR :

- Vendimi i Keshillit te Ministrave Nr.178, date 06.03.2012 “Per incinerimin e mbetjeve”
- Vendimi i Keshillit te Ministrave Nr.177, date 06.03.2012 “Per ambalazhet dhe mbetjet e tyre”.
- Vendimi i Keshillit te Ministrave Nr. 452, date 11.07.2012 “Për landfillet e mbetjeve”.
- Vendimi i Keshillit te Ministrave Nr. 765, date 07.11.2012 “Për miratimin e rregullave per grumbullimin e diferencuar dhe trajtimin e vajrave te përdorura”.
- Vendimi i Keshillit te Ministrave Nr.705, date 10.10.2012 “Për menaxhimin e mbetjeve te automjeteve në fund të jetës”.
- Vendimi i Keshillit te Ministrave Nr. 866 date 04.12.2012 “Për menaxhimin e baterive te përdorura”.
- Vendimi i Keshillit te Ministrave “Për mbetjet Elektrike dhe Elektronike”. (ende ska dale nr. dhe data e miratimit ne fletoren zyrtare).
- Vendim i Keshillit te Ministrave Nr. 825 datë 13.10.2010 i ndryshuar me Nr: 550 date 22.08.2012 “Per miratimin e listave te mbetjeve qe lejohen te importohen per qëllime përdorimi, riciklimi dhe përpunimi. *Nga 55 lloje mbetjesh janë reduktuar në 25 lloje (përfshire sipas Aneksin 1 Listes së gjelber).*

• **Jane ne proces disa projektvendime qe rrjedhin nga ligji nr. 10463, datë 22.9.2011, “Për menaxhimin e integruar të mbetjeve” :**

- Vendimi i Keshillit te Ministrave “Per mbetjet Bio” eshte hartuar drafti dhe perfundon gjate vitit 2013 me asistence te projektit SELEA.
- Vendimi i Keshillit te Ministrave “Rregullat për Eksportin e Mbetjeve” bazuar ne rregulloren e KE, nr. 1013/2006 “Mbi dergesat e mbetjeve”
- Vendimi i Keshillit te Ministrave “Rregullat për kalimin tranzit të mbetjeve jo të rrezikshme” bazuar ne rregulloren e KE, nr. 1013/2006 “ Mbi dergesat e mbetjeve”.
- Vendimi i Keshillit te Ministrave “Per koston dhe tarifen e menaxhimit te mbetjeve”, eshte ngritur nje Grup Pune me M.P.P.T dhe E.R.U, si dhe me asistence te D.L.D.P (Financuar nga Kooperacioni Zviceran) qe do te perfundoj gjate vitit 2013.
- Vendimi i Keshillit te Ministrave “Për instalimet marrëse portuale dhe kërkesat për parandalimin e mbetjeve të krijuara nga anijet dhe tepricat nga ngarkesat” *Ky vendim*

përafron plotësisht Direktivën 2000/59/EC “Mbi instalimet marrëse portuale për mbetjet e krijuara nga anija dhe teprica nga ngarkesat” ndryshuar nga Direktiva 2002/84/EC, Rregullorja (EC) 2007/71/EC dhe Rregullorja (EC) 1137/2008.

- Vendimi i Keshillit të Ministrave “Kërkesat për përdorimin në bujqësi të llumrave të ujërave të ndotura” *Ky vendim përafron plotësisht Direktivën 86/278/EEC “Për mbrojtjen e mjedisit dhe vecanerisht të tokës, kur llumrat e ujërave të ndotura përdoren në bujqësi” ndryshuar nga Direktiva 91/692/EEC, Rregullorja (EC) 807/2003 dhe Rregullorja (EC) 219/2009.*
- Vendimi i Keshillit të Ministrave “Per kriteret që përcaktojnë kur disa tipe të metalit skrap pushojnë së qeni mbetje” *Ky vendim transponon plotësisht rregulloren e Këshillit (BE) nr. 333/2011 e 31 marsit 2011, që vendos kriteret që përcaktojnë kur disa tipe të metalit skrap pushojnë së qeni mbetje sipas direktivës 2008/98/EC të Parlamentit Evropian dhe të Këshillit.*

2. IMPORT, EKSPORT DHE TRANZITIM TE MBETJEVE.

- ❖ Në mbështetje të nenit të nenit 49, pika 2, të ligjit Nr. 10463, datë 22.9.2011, “Për menaxhimin e integruar të mbetjeve”, me propozimin e ministrit të Mjedisit, Pyjeve dhe Administrimit të Ujërave, Këshilli i Ministrave ka miratuar:

6 Vendime per importin e mbetjeve jo te rrezikshme kryesisht mbetje te skrapit te metaleve (4) dhe mbetjeve te polietilenit dhe plastikes (2), te vlefshëm për një periudhë kohore 1 (njevjecare) nga data e lëshimit, bazuar ne VKM nr. 806 date 04.12.2003 “Per miratimin e rregullave e procedurave per importimin e mbetjeve me qellim perdorimi, perpunimi e riciklimi”, dhe VKM nr. 994, datë 02.07.2008 “Për tërheqjen e mendimit të publikut në vendimmarrje për mjedisin” (zhvillimi i takimeve ne shoqerit perkatese me pjesemarrje te grupeve te interesit, komunitetit, pushtetit vendor).

- ❖ Në mbështetje të nenit të nenit 50, të ligjit nr.10463, datë 22.9.2011, “Për menaxhimin e integruar të mbetjeve”, dhe Rregullores Nr.4 date 15.10.2003 “Per kerkimin, shqyrtimin dhe miratimin e lejeve te eksportimit dhe te tranzitimit te mbetjeve” jane leshuar nga periudha (Janar- Dhjetor 2012) jane leshuar:

3 Autorizime për kalimin transit të mbetjeve kryesisht nga mbetjet e plastikes, skrapit metal i cili është i vlefshëm për një periudhë kohore 1 (njevjecare) nga data e leshimit.

❖ Në mbështetje të nenit të nenit 51, të ligjit nr.10463, datë 22.9.2011, “Për menaxhimin e integruar të mbetjeve”, dhe Rregullores Nr.4 date 15.10.2003 “Për kerkimin, shqyrtimin dhe miratimin e lejeve te eksportimit dhe te tranzitimit te mbetjeve” jane leshuar nga periudha (Janar- Dhjetor 2012) jane leshuar

19 Autorizime per eksport te mbetjeve kryesisht nga mbetjet e plastikes, te skrapit (metale te ndryshme dhe mbetje te rrezikshme. Keto autorizime jane vlefshëm për një periudhë kohore 1 (njevjecare) nga data e leshimit.

3. KONCENSIONE

Mbeshtetur ne nenin 23 te ligjit Nr. 9663, date 18.12.2006 “Per Konçensionet”, kerkese e pakerkuar, ne Ministrine e Mjedisit, Pyjeve dhe Administrimit te Ujerve eshte ngritur Grupi i Identifikimit te Projekteve (GIP) me perfaqesues nga ministrite e linjes :

- a. Ministria e Puneve Publike dhe Transportit
- b. Ministria Ekonomise, Tregtise dhe Energjitikes (ATRAKO)

Keto kerkesa jane depozituar prane MMPAU dhe paraqesin interes publik dhe jane ne perputhje me SKMM dhe PKMM dhe jane ne proces per shqyrim. Shoqerite qe kane bere kerkesen e pakerkuar jane :

- a. Shoqeria “**AVC GRUP LTD KEVITAN SECURITY AND COMMUCATION LTD**” (Per administrimin e mbetjeve elektrike dhe elektronike) i cili eshte ne perputhje me Strategjine dhe Planin Kombetar te Menaxhimit te Mbetjeve, dhe ligjit nr.10463, date 22.9.2011 “Për menaxhimin e integruar të mbetjeve”.
- b. Shoqeria “**KURUM INTERNACIONAL**” S.H.A (Per administrimin e makinave ne fund te jetes), i cili eshte ne perputhje me Strategjine dhe Planin Kombetar te Menaxhimit te Mbetjeve, dhe ligjit nr.10463, date 22.9.2011 “Për menaxhimin e integruar të mbetjeve”.

- c. Shoqeria “**ALBANIA LANDFILL ENERGIES**” (*Per menaxhimin e mbetjeve urbane per qarkun Durrës*), i cili është në përputhje me Strategjinë dhe Planin Kombëtar të Menaxhimit të Mbetjeve, dhe ligjit nr.10463, datë 22.9.2011“Për menaxhimin e integruar të mbetjeve”.

4. PROJEKTE

Në bashkëpunim me institucionet ndërkombëtare gjatë vitit 2012 janë trajtuar projektet :

- a. Me **SELEA** “ Forcimi i ligjeve mjedisore në Shqipëri “.
- b. Me **JICA** “ Rritja e kapaciteteve qendrore dhe vendore për një menaxhim të integruar të mbetjeve” (Reduktim, Ripërdorim, Riciklim).
- c. Me **KFW** – Hartimi i studimit të fizibilitetit për ndërtimin e një landfilli, që përfshin qarkun e Tiranës dhe të Durrësit.
- d. Me **DLDP** – Hartimi i planeve lokale për menaxhimin e mbetjeve të ngurta urbane dhe mbi mundësinë e përcaktimit të kostos dhe tarifës së menaxhimit të mbetjeve urbane.
- e. Me **KFW** – “Menaxhimi i mbetjeve për Shqipërinë Jugperëndimore”, përfshihet qarku i Korçës. Është kryer studimi i fizibilitetit, projekti i zbatimit për ndërtimin e landfillit rajonal, është përmirësuar sistemi i grumbullimit dhe transportit të mbetjeve nëpërmjet financimit për kazan dhe makina teknologjike. Janë bërë ndërhyrje emergjente në fushën e depozitimit të mbetjeve ekzistuese si dhe është ngritur Shoqata e Njësive Vendore për Menaxhimin e Mbetjeve për qarkun e Korçës. Gjatë vitit 2013 pritet të fillojë ndërtimi i landfillit. Ndjekjen e investimit e ka MPPT.
- f. Me **Bankën Botërore** – “ Menaxhimi i mbetjeve për Shqipërinë Jugperëndimore”, në qarkun e Vlores. Është kryer studimi i fizibilitetit, projekti i zbatimit për ndërtimin e landfillit rajonal, pritet të fillojë ndërtimi i landfillit në Bajkaj, komuna Vergo, Delvine, gjatë vitit 2013. Ndjekjen e investimit e ka MPPT.

5. INSPEKTIME

Gjate periudhes Janar – Dhjetor 2012 ne mbeshtetje te legjislacionit mjedisor dhe ushtrimin te kompetencave ligjore, Inspektoriati i Mjedisit ka kryer:

Inspektime gjithsej:	8200
Denime administrative me gjobe:	273
Pezullim dhe mbyllje aktiviteti:	75

Vlera totale e gjobave te vendosura: **102.445.000 Leke.**

Detyrimet kryesore te punes se Inspektoriatit te Mjedisit per kete periudhe kane qene:

- Parandalimi i ndotjes dhe i demtimit te mjedisit nepermjet zbatimit te saksioneve ligjore lidhur me masat e marra gjate kontrolleve te ushtruara ne te gjithe territorin e Shqiperise si vijon:
 - a. Menaxhimi i Mbetjeve. Per mbetjet urbane ne zonat bregdetare, turistike, ne akset rrugore nacionale, ne bashki dhe komuna, Inspektoriati i Mjedisit ne zbatim te ligjit nr. 10463 date 22.09.2011 "Per menaxhimin e integruar te mbetjeve" ka vendosur 69 gjoba me vlere totale 41.700.000 leke.
 - b. Jane ushtruar kontrolle per zbatimin e Aktit Normativ te Keshillit te Ministrave nr.3 te vitit 2012 "Per heqjen e mjeteve motorike, te rimorkiove si dhe te pjeseve te kembimit, te dala jashte perdorimit, qe ndodhen prane rrugeve nacionale", lidhur me aktivizimin e mundshem te varrezave te makinave.
 - c. Ne zbatim te Vendimit nr.177, date 06.03.2012 "Per ambalazhet dhe mbetjet e tyre" te Keshillit te Ministrave dhe te Urdherit nr.434 date 30.07.2012 te Ministrit te M.M.P.A.U "Per ngritjen e grupit te punes per vleresimin e masave ne zbatim te Vendimit nr. 177, date 06.03.2012 "Per ambalazhet dhe mbetjet e tyre" te Keshillit te Ministrave, jane njoftuar te gjithe subjektet private importues e prodhues lidhur me ndalimin e importit dhe prodhimit te qeseve plastike sipas karakteristikave perkatese (jo te biodegradueshme) si dhe njesite tregtuese lidhur me ndalimin e shitjes dhe perdorimit si ambalazh te ketyre produkteve, sipas afateve ligjore te percaktuara ne aktet nenligjore te mesiperme.

6. PUBLIKIME.

MMPAU publikon çdo vit **Raportin e Gjendjes se Mjedisit**, ku pjese perberse e tij eshte edhe Sektori i Mbetjeve, ku jepen te dhenat per gjenerimin e mbetjeve ne rang bashkie, qarku dhe republike, raportuar nga MPPT.. Ky raport per vitin 2012 del brenda tremujorit te pare te vitit 2013.

Duke ju falenderuar për mirëkuptimin!

Mimoza VOKSHI

SEKRETARE E PËRGJITHSHME

